



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOUD IN DIE RAADSAAL, MALMESBURY OP DONDERDAG, 21 AUGUSTUS 2025 OM 10:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess
Rdl N Smit
Rdl A K Warnick

Beamptes:

Munisipale Bestuurder, mnr J J Scholtz
Direkteur: Siviele Ingenieursdienste, mnr L D Zikmann
Direkteur: Elektriese Ingenieursdienste, mnr T Möller
Direkteur: Beskermingsdienste, mnr H Witbooi
Direkteur: Ontwikkelingsdienste, me J S Krieger
Direkteur: Korporatiewe Dienste, me M S Terblanche
Bestuurder: Sekretriaat en Rekordsdienste, me N Brand

1. OPENING

Die voorsitter verwelkom lede en versoek rdl A K Warnick om die vergadering met gebed te open.

Die voorsitter betoon sy medelye met rdh T van Essen met die afsterwe van sy Moeder.

2. VERLOF TOT AFWESIGHEID

Kennis geneem van die verskonings ontvang vanaf rdh T van Essen, die Direkteur: Finansiële Dienste, mnr M Bolton en die Speaker, rdh M A Rangasamy.

3. VOORLEGGINGS/AFVAARDIGINGS/SPREEKBEURTE

3.1 MOONTLIKE IMPLEMENTERING VAN AARTO IN DIE SWARTLAND MUNISIPALITEIT

Die Munisipale Bestuurder gee die inligting deur insake die moontlike implementering van AARTO in die Swartland Munisipaliteit soos bespreek tydens die onlangse Premier Koördineringsforumvergadering.

Die Munisipale Bestuurder noem die volgende kwessies wat eers aangespreek moet word alvorens implementering van AARTO oorweeg sal word, naamlik –

- (1) Lewering van verkeersdienste is 'n onbefondste mandaat waaruit die Munisipaliteit slegs 12% (i.p.v. 32%) van die inkomste kry;
- (2) Daar sal 'n Diensleweringsooreenkoms met die SA Poskantoor aangegaan moet word – lg. is tans onder sakeredding en daar word verwag dat gelde vooraf aan SA Poskantoor oorbetal moet word wat teenstrydig met die MFMA is;
- (3) Die funksies en uitgawes van die sg. "back-office" is nie in ag geneem nie;
- (4) Indien 'n boete binne 32 dae betaal word, word 50% afslag gegee – wat die inkomste aan Munisipaliteit nog meer beperk.

3.1/...

Die Munisipale Bestuurder noem dat daar nie voortgegaan kan word om 'n nasionale en provinsiale funksie te lewer waarvoor die Munisipaliteit se belastingbetalers moet instaan nie.

Die Munisipale Bestuurder is gekoöpteer op die komitee om hierdie aangeleentheid verder te ondersoek, en sal mnre Witbooi en Steyn by gesprekke betrek word. 'n Formele mandaat sal mettertyd vanaf die Raad verkry word soos wat die ondersoek vorder.

VIR KENNISNAME

4. NOTULES

4.1 NOTULE VAN 'N SPESIALE VERGADERING VAN DIE UITVOERENDE BURGEMEESTERSKOMITEE GEHOU OP 25 JUNIE 2025

BESLUIT

(op voorstel van rdl D G Bess, gesekondeer deur rdd J M de Beer)

Dat die notule van 'n spesiale vergadering van die Uitvoerende Burgemeesterskomitee gehou op 25 Junie 2025 goedgekeur en deur die Uitvoerende Burgemeester onderteken word.

4.2 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 17 JULIE 2025

BESLUIT

(op voorstel van rdl D G Bess, gesekondeer deur rdd J M de Beer)

Dat die notule van 'n Gewone Uitvoerende Burgemeesterskomiteevergadering gehou op 17 Julie 2025 goedgekeur en deur die Uitvoerende Burgemeester onderteken word.

5. OORWEGING VAN AANBEVELINGS UIT DIE NOTULES

5.1 NOTULE VAN PORTEFEULJEKOMITEESVERGADERINGS GEHOU OP 13 AUGUSTUS 2025

5.1.1 MUNISIPALE BESTUUR, ADMINISTRASIE EN FINANSIES (7/1/2/2-1)

BESLUIT

(op voorstel van rdl N Smit, gesekondeer deur rdl A K Warnick)

Dat die Uitvoerende Burgemeester die aanbevelings in die betrokke notule bekragtig.

5.1.2 SIVIELE EN ELEKTRIESE DIENSTE (7/1/2/2-4)

BESLUIT

(op voorstel van rdl N Smit, gesekondeer deur rdl A K Warnick)

Dat die Uitvoerende Burgemeester die aanbevelings in die betrokke notule bekragtig.

5.1.3 ONTWIKKELINGSDIENSTE (7/1/2/2-5)

BESLUIT

(op voorstel van rdl N Smit, gesekondeer deur rdl A K Warnick)

Dat die Uitvoerende Burgemeester die aanbevelings in die betrokke notule bekragtig.

5.1.4/...

5.1.4 BESKERMINGSDIENSTE (7/1/2/2/-3)

BESLUIT

(op voorstel van rdl N Smit, gesekondeer deur rdl A K Warnick)

Dat die Uitvoerende Burgemeester die aanbevelings in die betrokke notule bekragtig.

6. SAKE VOORTSPRUITEND UIT DIE NOTULES

Geen.

7. NUWE SAKE

7.1 GOEDKEURING VAN DIE GOP-/BEGROTINGTYDSKEDULE (2/1/4/4/1)

Die burgemeester moet ingevolge artikel 21(1)(b) van die Wet op Munisipale Finansiële Bestuur, Wet 56 van 2003 (MFMA) ten minste tien maande voor die begin van die begrotingsjaar 'n tydskedule aan die Raad voorlê met sleutel sperdatums insake die hersiening van die Geïntegreerde Ontwikkelingsplan (GOP) en begrotingsproses.

Die Munisipale Bestuurder gee agtergrond tot die kennisgewing wat op Swartland Munisipaliteit beteken is deur die Hooggeregshof in Pretoria as party tot die saak tussen Afriforum en NERSA. Die saak handel hoofsaaklik daarmee dat NERSA die statutêre sperdatums verontagsaam wat deur wetgewing bepaal word.

Kommentaar is vanaf Provinsiale Regsdienste bekom om 'n "*motion to abide*" in ondersteuning van Afriforum in te dien en dat, indien lg. suksesvol in die saak is, die tydsraamwerke deelgemaak sal word van die GOP-/Begrotingtydskedule.

BESLUIT (vir voorlegging aan die Raad op 27 Augustus 2025)

(op voorstel van rdl N Smit, gesekondeer deur rdl D G Bess)

Dat die aangehegte GOP/ROR/Begrotingstydskedule vir goedkeuring by die Raad aanbeveel word, onderhewig aan die regstelling dat alle raadslede uitgenooi word na die Begrotingswerkwinkel op Vrydag, 27 Februarie 2026.

7.2 GOEDKEURING VAN DIE NUWE GELYKE INDIENSNEMINGSPLAN VIR DIE PERIODE 1 SEPTEMBER 2025 TOT 31 AUGUSTUS 2030 (4/9/1/2/B)

Die nuwe Gelyke Indiensnemingsplan vir die periode 1 September 2025 tot 31 Augustus 2030 is opgestel ingevolge die nuwe Regulasies insake Gelyke Indiensnemings, 2025 soos afgekondig in die Staatskoerant Nr 52515 gedateer 15 April 2025.

Die plan word kortliks deur die Senior Bestuurder: Menslike Hulpbronbestuur toegelig en word klem daarop geplaas dat die Werkgewer, vir die redes genoem in die verslag, nie gepenaliseer of beboet kan word as die vooropgestelde teikens nie bereik kan word nie.

BESLUIT

(op voorstel van rdl N Smit, gesekondeer deur rdl M J de Beer)

- (a) Dat die Uitvoerende Burgemeesterskomitee kennis neem van die Gelyke Indiensnemingsanalise (EEA12) wat die basis vorm vir die opstel van die Gelyke Indiensnemingsplan;
- (b) Dat die Uitvoerende Burgemeesterskomitee die aangehegte Gelyke Indiensnemingsplan (EEA13) goedkeur vir die periode 1 September 2025 tot 31 Augustus 2030 vir implementering met ingang van 1 September 2025;
- (c) Dat goedkeuring verleen word dat die Munisipale Bestuurder die Gelyke Indiensnemingsplan (EEA13) onderteken.

7.3 TOEWYSINGSOOREENKOMS INSAKE DIE BEDRYF VAN DIE PUBLIEKE BIBLIOTEKE IN DIE WES-KAAP (17/8/B)

Die Weskaapse Departement van Kultuursake en Sport (DCAS) het 'n proses begin om wetgewing en regulasies te hersien vir die voorsiening van openbare biblioteekdienste in die Provinsie. Op 12 Junie 2025 is die Wet op Publieke Biblioteekdienste, 2025 deur die Premier van die Wes-Kaap onderteken en vervang die nuwe wetgewing die 1981 Ordonnansie.

Die aangehegte toewysingsooreenkoms formaliseer die wyse waarop DCAS en die Munisipaliteit sal saamwerk in die lewering van Publieke Biblioteekdienste en is geldig vir 'n periode van drie jaar. Daar sal egter jaarliks 'n befondsingsooreenkoms onderteken word ten opsigte van die oordrag van fondse vanaf Provinsie na die Munisipaliteit.

BESLUIT

(op voorstel van rdl N Smit, gesekondeer deur rdd J M de Beer)

- (a) Dat die toewysing/opdra van sekere funksies met betrekking tot biblioteekdienste in ooreenstemming met artikel 126 van die Grondwet van die Republiek van Suid-Afrika, 1996 en artikel 36 van die Grondwet van die Wes-Kaap, 1 van 1998, aanvaar word, in die mate wat die toewysingsooreenkoms die toewysing uiteensit;
- (b) Dat die laaste sin in paragraaf 3.1 vervang word met die volgende: "The extent of the library function rendered by the Municipality will mirror the funding made available by the Department";
- (c) Dat die Munisipale Bestuurder gemagtig word om die Toewysingsooreenkoms namens die Munisipaliteit te onderteken, vir die tydperk wat eindig op 30 Junie 2028, met inagneming dat die aanvangsdatum nog geproklameer moet word.

7.4 VOORGESTELDE VERVREEMDING VAN DIE KRAALTJIE (ERF 470), KALBASKRAAL (17/2/2)

Die Kraaltjie, geleë op Erf 470, Kalbaskraal is gedurende 2022 van Transnet aangekoop ten bedrae van R350 000.00, met die aanvanklike bedoeling om die bestaande gebou in 'n meerdoelige gemeenskapsentrum te omskep. Die gebou en erf grootte leen hom egter nie funksioneel daartoe om behoorlik as 'n multi-funksionele sosio-ekonomiese sentrum omskep te word nie. Die gebou het sedert 2022 deurgeloop onder vandale en word daar deurlopend klagtes ontvang oor die ongewenste elemente wat daar uithang.

Intussen het die Departement van Infrastruktuur befondsing toegeken vir die daarstel van 'n sosio-ekonomiese fasiliteit, ingesluit 'n gemeenskapsaal, op Erf 622 (groot 1819 m²), Kalbaskraal.

BESLUIT (vir voorlegging aan Raad op 27 Augustus 2025)

(op voorstel van rdd J M de Beer, gesekondeer deur rdl A K Warnick)

- (a) Dat daar kennis geneem word van die sosio-ekonomiese fasiliteite wat op Erwe 622 en 623, Kalbaskraal beplan word, en wat meebring dat Die Kraaltjie op Erf 470 as surplus grond beskou word wat nie vir 'n basiese munisipale diens benodig word nie;
- (b) Dat daar by die Raad aanbeveel word dat Erf 470, Kalbaskraal voetstoots te koop aangebied word, ingevolge voorwaardes deur die Raad gefinaliseer te word.

7.5 VOORGESTELDE HERNUWING VAN HUUR VAN ERF 2651, RIEBEEK KASTEEL AAN DIE IMPENDULA YOUTH AND COMMUNITY DEVELOPMENT NPO VIR DIE GEBRUIK AS GEMEENSKAPSGROENTETUIN (12/2/3/1-3/1)

'n Aansoek is ontvang vanaf die Impendula Youth and Community Development NPO vir die hernuwing van die huur van Erf 2651, Riebeek Kasteel vir die gebruik as 'n gemeenskapsgroentetuin.

7.5/...

Die Direkteur: Korporatiewe Dienste bevestig dat die tuin suksesvol bedryf kan word en dat eksterne befondsing vir die NPO bewillig is.

BESLUIT

(op voorstel van rdl D G Bess, gesekondeer deur rdl N Smit)

- (a) Dat, in terme van Regulasie 34 van Munisipale Bate Oordrag Regulasie, saamgelees met die Munisipale Bate Oordrag Beleid (2014), goedkeuring verleen word vir die hernuwing van die verhuring van Erf 2651 Riebeek Kasteel (publieke oopruimte), geleë in Rondebergstraat, ongeveer 352m² groot, aan die Impendulo Community and Youth Development NPO (287-154 NPO), onderworpe aan die standaard huurvoorwaardes asook die volgende verdere voorwaardes:
 - (i) Dat die huurtermyn vir 'n tydperk van een jaar, vanaf 01 September 2025 tot 31 Augustus 2026 sal duur;
 - (ii) Dat huurgeld ten bedrae van R120.00 per jaar, BTW uitgesluit verhaal word;
 - (iii) Dat die eiendom slegs aangewend word as 'n gemeenskapsgroentetuin en vir geen ander doel nie;
 - (iv) Dat die huurder verantwoordelikheid vir die onderhoud van die gemeenskapsgroentetuin en alles wat daarmee gepaard gaan, op eie koste onderneem; en
 - (v) Dat daar aan alle administratiewe, tegniese en regsvereistes voldoen word;
- (b) Dat, ingevolge paragrawe 13.1.1 van die Bate Oordrag Beleid, kennis geneem word dat die verhuring by wyse van direkte onderhandelinge geskied, gegewe die huurder 'n prioriteitsbehoefte aan selfvolhoubaarheid aanmoedig deur aktiewe deelname van die gemeenskap aan die groentetuin.

7.6 HERNUWING VAN HUUR VAN TWEE SKEEPSVRAGHOERS GELEë OP ERF 1540, RIEBEEK KASTEEL (12/2/3/1-3/1)

Die Munisipaliteit bedryf 'n entrepreneursentrum bestaande uit twee skeepsvraghouders op Erf 1540, Leliestraat, Riebeek Kasteel.

Die huurooreenkomste van die twee entrepreneurs het verval en het die Departement: Ontwikkelingsdienste aangedui dat daar voortgegaan kan word met die hernuwing van die huurooreenkomste, aangesien die twee entrepreneurs suksesvolle besighede bedryf.

BESLUIT

(op voorstel van rdl D G Bess, gesekondeer deur rdd J M de Beer)

- (a) Dat, in terme van Regulasie 34 van Munisipale Bate Oordrag Regulasie, saamgelees met die Munisipale Bate Oordrag Beleid (2014), goedkeuring verleen word vir die voorgestelde hernuwing van huur met die volgende entrepreneurs:
 - Ms Ntombizodwa Mkuzo vir bedryf van 'n klerewinkel - Eyoqhama Fashion Clothing
 - Mr Thandisizwe Mnyango vir bedryf van wegneem-etes besigheid - Mnyango Take-aways

by die handelsfasie, geleë op 'n gedeelte van Erf 1540, Leliestraat, Riebeek Kasteel, onderworpe aan die standaard huurvoorwaardes asook die volgende verdere voorwaardes:

- (i) Dat die verhuring vir 'n tydperk van twee jaar sal duur vanaf 01 Augustus 2025 tot 31 Julie 2027; en
- (ii) Dat die huurders verantwoordelik sal wees vir die betaling van 'n maandelikse huurbedrag van R100.00 (BTW uitgesluit), asook vir die betaling van diensteverbruik.

(b)/...

7.6/...

- (b) Dat, weens die feit dat die voorgestelde transaksie deel uitmaak van die munisipale strategiese doelwitte om ekonomiese transformasie aan te moedig en die toewyding wat die entrepreneurs toon om hul klein besighede te bedryf, die goedkeuring vir die hernuwing van die huur van die skeepsvragehuers ondersteun word.

7.7 TENDER L04/24/25: VERKOOP VAN ERF 11350 (IRISSTRAAT), MALMESBURY (8/2/2/8)

Die Raad het op 31 Maart 2025 goedkeuring verleen vir die vervreemding van Erf 11350, Irisstraat, Malmesbury. 'n Reserweprys van R309 000,00 (BTW uitgesluit) is deur die Raad bepaal as 'n billike markverwante waarde vir die eiendom.

Tenders is op 8 April 2025 uitgenooi en drie tenders is teen die sluitingsdatum ontvang onderskeidelik ten bedrae van R320 000.00, R309 000.00 en R40 000.00.

Die tender kon egter nie toegeken word nie, weens die onvolledigheid van die tenderdokumente en is gevolglik gekanselleer.

BESLUIT

(op voorstel van rdd J M de Beer, gesekondeer deur rdl A K Warnick)

- (a) Dat kennis geneem word dat geen toekenning met betrekking tot Tender L04/24/25 vir die Verkoop van Erf 11350 Malmesbury gemaak kon word nie, weens nie-voldoening aan die tendervereistes deur al die tenderaars;
- (b) Dat kennis geneem word dat tenders so gou as moontlik weer uitgenooi sal word om mededingende tenders te lok en moontlike vandalisme van die eiendom te vermy.

7.8 TENDER L06/24/25: VERKOOP VAN ERF 12874, MALMESBURY (12/2/5/2-8/4)

Die Raad het op 30 April 2024 goedkeuring verleen vir die vervreemding van Erf 12874, Malmesbury by wyse van 'n tweekovert tenderproses om 'n mededingende proses te deurloop in die inwin van ontwikkelingsvoorstelle en monetêre aanbiedinge.

Erf 12874, Kwartelstraat, Malmesbury is soneer as Gemeenskapsone 2 met 'n Plek van Aanbidding as primêre gebruik.

Daar is op twee geleenthede op tender uitgegaan, synde 21 Mei 2024 en 10 June 2025 en in beide gevalle kon die tender nie toegeken word nie, weens die feit dat tenderaars nie aan die minimum vereistes voldoen het nie.

BESLUIT

(op voorstel van rdd J M de Beer, gesekondeer deur rdl D G Bess)

- (a) Dat kennis geneem word dat Tender L06/24/25 vir die Verkoop van Erf 12874 Malmesbury nie oorweeg en toegeken kon word nie, deurdat die tenders wat ontvang is nie voldoen aan die tendervereistes vir Ronde 1 van die tweekovertstelsel nie;
- (b) Dat daar met verdrag van tyd weer tenders gevra sal word vir die verkoop van Erf 12874 Malmesbury.

7.9 TENDER L05/24/25: VERKOOP VAN ERF 2652, RIEBEEK KASTEEL (12/2/5/2-11/1)

Die Raad het op 28 Maart 2024 goedkeuring verleen vir die vervreemding van Erf 2652, Riebeek Kasteel by wyse van 'n tweekovert tenderproses m 'n mededingende proses te deurloop in die inwin van ontwikkelingsvoorstelle en monetêre aanbiedinge.

Die sonering van Erf 2652, Riebeek Kasteel is Gemeenskapsone 2, met 'n Plek van Aanbidding as primêre gebruik.

7.9/...

Daar is op twee geleenthede op tender uitgegaan, synde op 16 April 2024 en weer op 10 Junie 2025, en beide kere het die tenders wat ontvang is nie aan die minimum tendervereistes voldoen nie.

BESLUIT

(op voorstel van rdd J M de Beer, gesekondeer deur rdl D G Bess)

- (a) Dat kennis geneem word dat Tender L05/24/25 vir die Verkoop van Erf 2652 Riebeek Kasteel nie oorweeg en toegeken kon word nie, deurdat die tenders wat ontvang is nie voldoen aan die tendervereistes vir Ronde 1 van die tweekoevertstelsel nie;
- (b) Dat daar met verdrag van tyd weer tenders gevra sal word vir die verkoop van Erf 2652 Riebeek Kasteel.

7.10 SWARTLAND MUNISIPALITEIT: BELEID INSAKE BEGRAFNISSE VIR ARMLASTIGES (17/4/2/B)

Regulasies uitgevaardig onder die Nasionale Gesondheidswet (Wet 61 van 2003) bepaal dat die Munisipaliteit verantwoordelik is vir die verwydering en begrawe van 'n liggaam wat nie opgeëis is nie.

Die Beleid insake Begrafnisse vir Armlastiges bepaal dat die Munisipaliteit ondersteuning sal verleen aan afgestorwe behoeftige persone binne sy regsgebied deur 'n waardige begrafnis of verassing vir sodanige persoon te voorsien.

BESLUIT

(op voorstel van rdd J M de Beer, gesekondeer deur rdl A K Warnick)

- (a) Dat die Beleid insake Begrafnisse vir Armlastiges goedgekeur word;
- (b) Dat die Register van Delegasies opgedateer word met die betrokke delegasies aan die Direkteur: Ontwikkelingsdienste.

7.11 VERSLAG OOR GEMEENSAP ONTWIKKELINGSPROJEKTE, 2024/2025: UITKOMSTE EN IMPAK (17/2/2)

Die Departement: Gemeenskapsontwikkeling moet op 'n jaarlikse basis verslag doen insake die uitkomste en impakte van gemeenskap ontwikkelingsprojekte ingevolge die Swartland Munisipale Sosiale Ontwikkelingsbeleid en -Strategie.

Die Direkteur: Ontwikkelingsdienste hou enkele hoogtepunte uit die verslag voor en noem dat die twee amptenare betrokke by die implementering van hierdie projek al die krediet moet kry.

BESLUIT

(op voorstel van rdl D G Bess, gesekondeer deur rdd J M de Beer)

- (a) Dat kennis geneem word van die uitkomste en impak van die gemeenskap ontwikkelingsprojekte wat in die 2024/2025 finansiële jaar plaasgevind het;
- (b) Dat die Gemeenskap Ontwikkelingsdepartement op 'n jaarlikse basis teen Augustus verslag sal doen oor die uitkomste en impakte van gemeenskap ontwikkelingsprojekte wat in die voorafgaande finansiële jaar plaasgevind het.

7.12 UITSTAANDE DEBITEURE: JULIE 2025 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

BESLUIT

(op voorstel van rdl N Smit, gesekondeer deur rdl D G Bess)

Dat kennis geneem word van die verslag aangaande die stand van Swartland Munisipaliteit se uitstaande debiteure vir Julie 2025.

7.13 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

BESLUIT

Dat kennis geneem word van die stand van uitstaande versekeringseise tot en met 31 Julie 2025 soos met die sakelys gesirkuleer.

7.14 AFWYKING VAN VOORGESKREWE VERKYRINGPROSEDURES: BETALING VAN VLUGKOSTES VIR DIE JEUGUITRUILPROGRAM TE DUITSLAND VIA DIE RAAD SE GEREISTREERDE REISAGENT (8/1/B/2)

Die verslag het ten doel om te rapporteer op die finale uitgawe verbonde aan die vlugkaartjies vir die Jeuguitruilprogram na Duitsland.

BESLUIT

Dat kennis geneem word dat die afwykingsbedrag ten opsigte van die vlugkaartjies vir die Jeuguitruilprogram na Duitsland, die bedrag van R181 609.72 in totaal beloop het.

7.15 AFWYKING VAN VOORGESKREWE VERKYRINGPROSEDURES: DIENS EN HERSTEL VAN LUGSPOELWAAIER BY MALMESBURY WWTW (8/1/B/2)

Die Malmesbury WWTW maak gebruik van membraantegnologie vir die tersiêre behandelingsproses en vereis dat die membrane skoongemaak word deur 'n belugtingsproses.

Belugting word voorsien deur vier Aerzen-lugblaaseenhede wat onderhou en herstel word deur die oorspronklike vervaardiger in Suid-Afrika.

BESLUIT

- (a) Dat kennis geneem word van die afwyking van die voorgeskrewe verkrygingsprosedures in terme van Artikel 36(1)(a)(v) van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om die diens en herstel van 'n Aerzen lugblaaseenheid by the Malmesbury WWTW deur die oorspronklike vervaardiger se verteenwoordiger, Aerzen Airgas (Pty) Ltd, ten bedrae van R146 397.52 (BTW uitgesluit) goed te keur;
- (c) Dat die rede vir afwyking van die voorgeskrewe verkrygingsprosedure as volg aangeteken word:
 - (i) Aerzen Airgas (Pty) Ltd is die oorspronklike vervaardiger se verteenwoordiger in Suid-Afrika vir die Duits-vervaardigde Aerzen-blaaseenhede; en
 - (ii) Die diens is slegs beskikbaar vanaf hierdie enkele diensverskaffer;
- (d) Dat kennis geneem word dat die uitgawe ten bedrae van R146 397.52 (BTW uitgesluit) teen mSCOA-pos, 9/239-57-1041 verreken sal word;
- (e) Dat die Senior Bestuurder: Finansiële State en Batebestuur versoek word om die bostaande rede as 'n nota tot die betrokke finansiële state by te voeg wanneer die state opgestel word.

7.16 BEGROTING VIR ONDERHOUD AAN PROVINSIALE HOOFPAAL: 2026/2027 FINANSIËLE JAAR (5/6/1/1/2)

Die Direkteur: Siviele Ingenieursdienste bevestig die projekte wat deur die Weskaapse Regering oor twee finansiële jare (2025/2026 en 2026/2027) goedgekeur is vir die onderhoud aan Provinsiale Hoofpaaie ten bedrae van R16 289 000.00.

7.16/...

Die verslag het ten doel om vir die 2026/2027 finansiële jaar om befondsing aansoek te doen vir die opgradering van Voortrekkerweg ten bedrae van R10 500 822.00.

BESLUIT

Dat die begroting van uitgawes aan die onderhoud van Provinsiale Hoofpaaie vir die 2026/2027 finansiële jaar ten bedrae van R10 500 822.00 goedgekeur word.

7.17 AFWYKING VAN VOORGESKREWE VERKYRINGPROSEDURES: HERSTEL VAN 11KV CT'S EN VERVANGING VAN VERHUTTINGSELEMENTE BY KLIPFONTEIN SUBSTASIE (8/1/B/2)

Nadat die 11 kV-afskakelaars by die Klipfontein Substasie by twee geleenthede uitgeskop het, is ABB South Afrika (Pty) Ltd genader om die toerusting te inspekteer.

By ondersoek is bevind dat die 11 kV-stroomtransformators (CT's) tekens van gedeeltelike ontlading tussen die fases getoon het en dat die CT-isolasie besig is om te verswak. Daar is verder bevind dat die paneelverhuttings-elemente van al die afskakelaars in die substasie oneffektief is.

Dringend herstelwerk is benodig om langdurige elektrisiteit onderbrekings te voorkom.

BESLUIT

- (a) Dat kennis geneem word van die afwyking van die voorgeskrewe verkrygingsprosedures in terme van Artikel 36(1)(a)(v) van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om die aanstelling van ABB South Africa (Pty) Ltd ter waarde van R238 377,00 (BTW uitgesluit) goed te keur;
- (c) Dat die rede vir afwyking van die voorgeskrewe verkrygingsprosedure as volg aangeteken word:
 - (i) faling van die insulasie vlakke op die Stroom Transformators, asook die verhuttingselemente in die elektriese panele is as 'n noodgeval hanteer;
- (d) Dat kennis geneem word dat die koste teen mSCOA-pos, 9/253-743-1001 verreken sal word;
- (e) Dat die Senior Bestuurder: Finansiële State en Batebestuur versoek word om die bostaande rede as 'n nota tot die betrokke finansiële state by te voeg wanneer die state opgestel word.

(GET) J H CLEOPHAS
UITVOERENDE BURGEMEESTER